

劍川州志卷之三

沿革

上古沿革荒畧弗可詳考志滇者引莊蹻畧地相
如籌邊為通聲教之始然此全滇事也唐宋以來
蒙段竊據葉榆稱詔賤置節度劍實與焉且吐蕃
出沒劍當其衝數百年間亦多故矣總因邊地彈
丸戟乘闕如不可臆說有明開疆典章文物與中
州埒迨我

朝平定海內遐才悉歸疆索經畧訂謨歷歷可考茲

劍川州志

卷三

沿革

十

據雲南諸志凡前代事相關涉者不嫌相襲必錄
以備參考而近代詳書焉闕疑存信庶無遺憾志
沿革

唐虞南交昧谷之交

夏商梁州域

周合梁於雍

楚項襄王使莊蹻將兵至滇以兵威畧定屬楚欲歸
報會秦司馬錯攻楚黔中道塞遂以其眾王滇號
滇國

漢武帝元光五年司馬相如持節入滇諸君長皆請
為內臣樸榆張叔盛覽至若水往受學文教於是
始

元封二年遣將軍郭昌將兵畧滇滇王降以其地為
益州郡○初武帝遣使至滇滇王常羗問使者曰
漢孰與我大使者還報帝怒其不遜時天竺白飯
王之裔仁果為眾所推乃冊為滇王都白崖號白
子國躡世絕

明帝永平十二年哀牢國王柳貌率眾內屬以其地
劍川州志 卷三 沿革 十一

置永昌郡○劍屬永昌

蜀漢建興二年益州渠帥雍闓反諸葛亮南征斬雍
闓擒孟獲改益州為建寧郡立鐵柱以紀功封仁
果十五代孫農佑那為建寧國王賜姓張氏亮并
次劍川

唐太宗二十三年建寧國張樂進求遜位於蒙氏○
蒙氏先為哀牢彝有九隆者雄黠眾推為王九隆
死種人滋長乃分置小王散居川谷九農之裔白
細農羅者耕於山 白國王十七

世孫張樂進求因以國讓之細農羅立為奇王白
國世絕時渠帥有六號六詔王詔也皆九隆苗裔細
農羅居蒙舍詔蒙餘為越析詔灑浪詔縣鄧賧
詔鄧施浪詔浪寧彌蒙寯詔建獨蒙舍居五詔南
故稱南詔

元宗開元元年南詔晟羅皮羅細農羅用兵於五詔按通
寫詔鐸羅望為浪寧州刺史與南詔戰不勝誓其
子偏保劍川更稱劍浪詔元中詔擊破劍川虜
羅君徙永昌○澄賧詔咩羅皮與浪寧共川至三世
合拒南詔既戰大敗咩羅皮走保野○施浪詔王
孫顛文託南詔破劍川虜之從永昌○施浪詔王
劍川州志 卷三

施望欠居矣苴和城興咩羅皮合攻南詔不勝南
詔以兵脅降其部施望欠走永昌其弟望千走曲
蕃立為詔納之劍川傍羅顛走瀘北凡浪寧澄賧施
浪總謂三劍川千傍羅顛走瀘北浪寧澄賧施
浪悉滅之

二十六年冊皮羅閣細農羅為雲南王時皮羅閣勢
浸強大欲吞五詔因賂劍南節度使王昱為之請
求合五詔為一朝庭許之乃因六月二十五日祭
祖建松棚樓會五詔宴舉火焚之五詔遂滅徙居
太和盡有雲南之地置六節度劍川節度居其一
天寶九年閣羅鳳反○故事酋長謁都督偕妻子行

羅鳳挈家至雲南太守張虔陀私之又多徵求鳳怒攻虔陀殺之取爨州三十二獲西瀘令鄭回以歸愛其才拜為清平官

十年劍南節度鮮于仲通討南詔敗績又遣劍南留後李宓何履光討之亦敗沒

代宗大十四年南詔異牟尋鳳子北結吐蕃吐蕃

據羅魯城即劍川也西爨以劍川為吐蕃賤謂

德宗興元元年異牟尋遷居史城國號大禮僭封五

嶽四嶺點蒼山為中嶽嶺雲山為東嶽在勸州蒙樂

劍川州志 卷三

沿革

十三

山為南嶽在蒙化高黎共山為西嶽在騰越玉龍山為

北嶽麗江以蘭滄黑惠金沙潞江為四嶺

貞元五年異牟尋遣使聘於西川節度韋臯因入朝

封為雲南王

九年詔韋臯為雲南安撫使以異牟尋兵伐吐蕃大

破之逐羅魯吐蕃以焚人居之斷鐵橋取十六城

俘其五王

元和七年明矯叛破劍川

長慶三年張羅攻劍川

昭宗天復二年南詔清平官鄭買嗣即鄭回弒其主
舜化遂滅蒙氏而自立國號大長和○蒙氏南詔
自細農羅至舜化十三主歷年二百七十有九

後唐明宗天成元年東川節度使楊千貞殺鄭買嗣
孫隆立侍中趙善政旋廢善政而自立

後晉高祖天福元年通海節度使段思平興師討楊
千貞自立居羊苴咩城國號大理仍置劍川節度
兼置義督賤○段氏乃段儉魏之後其先咸都白
人也儉魏佐蒙氏有功賜名忠國擢清平官大傳

劍川州志

卷三

沿革

十四

至思平有異北為千貞所忌匿於舅爨判家至是
借兵東方黑爨三十七部以討之千貞出奔義督

劍川

宋太祖乾德三年王全斌平蜀故因取滇獻圖於上
太祖鑒唐之禍以玉斧畫大渡河曰此外非吾有
也由是與中國隔絕

皇佑五年思平十世孫思廉因函廣西儂智高首送
京師段氏始聞中國

理宗淳佑十二年為元憲宗二年世祖忽必烈時為

皇太弟奉詔伐大理由大渡河遣使入大理招段興智被殺大理相高泰祥守金沙江太弟浮革囊以濟出石門關入白蠻打郭寨進薄大理興智奔善闡執泰祥於姚州遂滅段氏而有其地得五城八府蠻部三十有七元世祖至劍川屯兵乘勝入吐蕃降其酋明年太弟班帥大將兀良哈台拔善闡獲興智以獻赦之封為麻羅管領八方世為總管仍守其地段氏自思平至興智二十二主歷年三百十五

劍川州志 卷三

沿革

十五

元世祖中統元年以興智子信日為大理總管領諸郡置義督千戶

至元八年置鶴慶路軍民總管府改義督為劍川縣隸鶴慶路。元季土酋楊慶據劍川要梁王元宗室封

梁王鎮善闡以縣為州授叅政兼知州事

明太祖洪武十四年命穎川侯傅友德永昌侯藍玉西平侯沐英等征雲南梁王把匝剌瓦爾密走滇池赴水死

十五年穎川侯等進攻大理獲段世及段寶二孫又

分兵取鶴慶麗江全省皆平史定雲南州縣劍川
仍為縣。六月元右丞普顏篤復叛滅楊慶據佛
光寨十六年穎川侯進軍破之慶弟楊奴詣軍門
款附授土官知州事劍川仍復為州奴意不孰移
柳龍衝州治於上墩廣明寺以使其私又移於下
墩羅魯城背山阻水舉兵以叛上墩下墩州

十八年官兵平楊奴改設流官同知
二十三年改設州判吳人趙彥良判州事復州治於

柳龍衝即今州治隸本府轄彌沙井鹽課司

劍川州志

卷三

沿革

十六

國朝

世祖章皇帝順治二年乙酉時尚未開雲南有迤東土
酋沙定洲反黔寧國公沐天波西奔楚雄定洲來
追洱海道副使楊畏知有才畧適在楚雄率紳士
悉力防守定洲圍數月不能近遣其黨王朝李日
芽陌蒙化大理天波檄麗江土官木懿救援懿令
中甸喇普頭目率彝兵赴援號雄兵十萬師無紀
律從州境過肆行抄劫比至大理王朝等出城佯
奔伏兵城中麗兵進城伏發殺傷甚眾狼狽而回

沒於蒼洱之間大半

四年流寇孫可望等入滇時沐天波走永昌可望至大理招天波劉文秀由鶴慶進麗江蹂躪劍川

十六年己亥正月

大清師抵雲南永曆走迤西入緬甸李定國走孟良都督馬惟興馬寶走鶴慶屠戮甚慘高啓隆走劍川有劉王二都督欲屠城啓隆不從在州四十餘日奔麗江又進蘭州求仁甸肆行屠戮焚盡民居三月有遊兵百餘殺州民十餘人燒猪卷場屋四月

劍川州志

卷三

沿革

十七

本朝委署州事蕭維壯到任招安○高啓隆由蘭州進浪滄至尼那中甸蒙古拒之十月出降在州薙髮十七年庚子正月吳三桂移鎮雲南通者發徵夫役赴漢中府接取家口州民俱往擺撥運糧

康熙五年丙午八月吳逆發兵至九河傳言喇嘛犯界徃禦之月餘而還

十一年壬子又遣固山吳應期額夫憂國相總兵祁三昇馬寧等十三營進兵麗江州民運糧至喇普巨甸艱苦萬狀○總兵王屏藩到州羊層獅子橋

十七年又令副將劉芝林駐劍川隨令偽將軍海潮龍亦來駐鎮

十八年己未逆孫吳世藩令潮龍統兵往禦我

帥潮龍至鹽井衛反正投誠由四川赴京

陞見吳逆留守郭壯圖令劉芝林籍潮龍家并逮妻子至省城潮龍回滇訪獲妻子復還鶴麗鎮四月總兵四什六代之

二十年辛酉八月胡國柱等由鶴慶奔麗江聚於西瀾滄都統希福提督桑格千餘將軍統兵十餘萬

劍川州志

卷三

沿革

十八

追胡國柱屯駐劍川六月餘至二十一年壬戌一月胡國柱等自殺於西瀾滄大兵凱旋是年起發劉芝林進京隨設劍川協鎮

二十年奉

詔蠲免夏稅

二十七年劍川地震

巡撫石 奏以常平倉捐穀發賑

詔許之

三十三年奉

旨蠲免正供并一切雜款

四十三年奉

旨蠲免正供并一切雜款

五十年奉

旨蠲免地丁銀兩

劍川州志

卷三

